



AWIG - AWIG

DESA ADAT SURALAGA

KELURAHAN ABIANTUWUNG

KEDIRI - TABANAN

DAGING SARGA KALIH PALET AWIG- AWIG :

MURDA MAKYA/ SARACITA	HAL. 1.
SARGA.I. TETUJON NISAH ARAH LAN PALMAHAN !	
PAL.A.A. DASAR/TETUJON/UTSARA	" 1.
PALET.B. WERIHANG KALIH WERIHONGON	" 2.
SARGA.II. SUKERTA TATA PAKMAHAN.	
PAL.A.A. PAJAJURU	" 2.
PALET.B. PERAMAM	" 3.
PALET.C. PAPARUMAN	" 3.
PALET.D. PATURUMAN LAN LALUPUTAN	" 4.
PALET.E. WUSAN MEKEANA	" 5.
PALET.F. PASUKERTAN DESA	" 5.
PALET.G. NGENTASANG SAWA	" 7.
PALET.H. WAWALUNGAN	" 7.
PALET.I. KULKUL	" 8.
PALET.Y. DUSTA MIWAH BA A	" 9.
PALET.K. GEMANGUNAN	" 10.
SARGA.III. SUKERTA TATA ACAMA.	
PALET.A. GEMAH SUCI	" 12.
PALET.B. PEMANGKU, SERATI, SUTRI	" 13.
PALET.C. BRUKE/PELABA	" 14.
PALET.D. INDIK TUNON/SENTRA	" 15.
SARGA IV. SUKERTA TATA PAWONHAN.	
PALET.A. PAWIWAHAN	" 16.
PALET.B. BENTANA	" 18.
PALET.C. BEDALUAN	" 19.
PALET.D. INDIK MAMICARA	" 20.
SARGA.V. INDIK PANIDANDA.	
PALET.A. PANIDANDA	" 21.
PALET.B. PATERAGAN	" 21.
SARGA.VI. PALET.A. INDIK JULUR TERTINING PAWONHAN	" 22.
PALET.B. PARAREM NISAH PAWARA	" 23.
SARGA.VII. INDIK PAHURUP	" 24.

AWIG-AWIG KRAMA DESA ADAT SURALAGA.-

OM AWIGHENAM ASTU

MURDAWAKYA.-

Melarapan saking panghyangning kalih paswacan Ida Sanghyang Widhi Wasa, asung krta nugraha ngawentenang kahuripan sakala muang niskala ring Bhuana Alit lan Bhuana Agung, maka don kawastan Bhuana kalih, sane malca - wit saking sinar kasucian Agama Hindu, ngastuti ngerajegang tata susila - tata krama, mepegamol ring unteng-unteng Tri Hita Karana, Tri Pramana, lan Catur dresta kalih kadulurin antuk keraketan pasilih asih sajaroning - krama Desa Adat, gumanti memesang tulung tinulung sejeroning kahuripan - sidane memangguh krta raharja, trepti kalih rahajeng.

Titiang sinamian saking Kerama Desa Adat Suralaga midabdab ngara-remin, nyungkemin Awig-awig sane kemanggehang ring wewengkon Krama Desa - Adat Suralaga kadi ring sor puniki.

SARGA. I.

P A L E T . A.

DASAR / TETUJON / UTSAHA.

PAOS. 1.

Desa Adat Suralaga puniki ngemanggehang dasar :

- a. Tri Hita Karana, Tri Pramana manut tatwaning Bhuana Agung, kalih nyungkemin Dasar Negara inggih punika Pancasila dan Undang-undang Dasar 1945.
- b. Siosan ring dasare sane ring ajeng, Awig-awig puniki taler madasar antuk karaketan pasilih asih, paras-paros pasuka duhkaan.

PAOS. 2.

- a. Ngerajegang Hindu Dharma mejalaran antuk astiti bakti ring Ida - Sanghyang Widhi Wasa.
- b. Nincapang koweruhan ikrana Banjar/Desa Adat, kulih ngelimbakang - ngewerdiyang catur purusa artha (Dharma, Artha, Kama Moksa).

PAOS. 3.

UTSAHA / LAKSANA :

Dasar wiyadin tetujon sane ring ajeng ring paos kaping 1, lan paos kaping 2, ring arep, sidane malih kejalarin antuk usaha :

- a. Dharma.
- b. Artha.
- c. Kama.
- d. Moksa.

P A L E T . B.

WASTA KALIH WEWONGKON.

PAOS. 4.

- a. Desa Adat puniki mewasta, Desa Adat Suralaga.
- b. Wewongkon Krama Desa Adat puniki :
 - 1. Krama Banjar Adat Suralaga.
 - 2. Krama Banjar Adat Pangkung Nyuling.

PAOS. 5.

- a. Wates wewongkon Desa Adat Puniki :
 - 1. Sisi Kangin : Tukad Yeh Sungi.
 - 2. Sisi Kolod : Carik Subak Kelangan.
 - 3. Sisi Kauh : Tukad Yeh Co.
 - 4. Sisi Kaler : Banjar Bajra Belayu.
- b. Desa Adat Suralaga puniki ngesponin kalih nyungsung Tri Kahyangan Inggih punika :
 - 1. Kahyangan Puseh.
 - 2. Kahyangan Dalem.
 - 3. Kahyangan Desa.

SARGA. II.

SUKERTA TATA PEKRAMAN.

P A L E T . A.

PAOS. 6.

- a. Krama Desa Adat puniki keanteran antuk :
 - 1. Bendesa Adat, maka panua Krama Desa Adat.
 - 2. Penyarikan, maka juru surat.
 - 3. Petongan, maka pengumong padruwean Desa.
 - 4. Juru arah, maka juru gumancang.
- b. Pajuruan Banjar Adat inggih punika :
 - 1. Kalihan Adat.
 - 2. Penyarikan.
 - 3. Petongan.
 - 4. Juru Arah.
 - 5. Pecalang, maka patelik sukertan Krama Banjar.

PACS. 7.

- a. Pajuruan Desa/Banjar Adat sane manggah ring paos 6, punika, kapilih wiyadin kawusang, saking olih, antuk pararem Krama Desa/Banjar Adat.
- b. Pajuruan (Bendesa Adat) kapilih nyabaran 3 tahun apisan, sejawaning wenton pari indik mabuat Klian Adat kapilih manut pararem.

revisi
dit.
7

KRAMA DESA ADAT.

PAOS. 8.

Penyungkon Desa Adat puniki inggih punika sang sapasira ugi sane magenah wentone ring wewengkon Desa Adat tur sampun nanggap karang paumahan kalih nganutin Agama Hindu Dharma.

PAOS. 9.

- a. Yan wenten jadma tamu/penumpang sane ngerereh pangupa jiwa magenah - numpang ring sewengkon Desa Adat puniki swen ipun lintangan ring asasih, selantur ipun patut itamiu punika nawur batu-batu apisan, kalih-kalih nyaberan asasih nawur dana ring Desa Adat punika, Ageng alit ipun manut pararem.
- b. Yaning jadma tamu punika tan nganutin paos kaping 9a, inucap, iwarga Krama Desa Adat sane ngajak punika kasisipang tur kadanda kweh nyame sane patut kaatur antuk itamiu punika.
- c. Tamu sane magenah ring losmen, hotel, miwah ring umah anak sane tan sareng makrama Desa Adat tan keni punapa punapi.
- d. Jadma Tamu sane magenah/munggah ring paos 9a, yaning ngawentenang karya suka-duka, ring genah ipun madunungan, polih pengayoman saking krama Desa Adat puniki.

P A L E T . C.

P E P A R U M A N .

PAOS. 10.

Peparuman wenten tigang soroh luwir ipun :

- a. Peparuman Desa Adat, sekirang ipun ataham apisan.
- b. Peparuman Banjar Adat, sakirang ipunenem sasih apisan.
- c. Peparuman pajuruan Desa/Banjar Adat kawentenang manut kabuntan.

PAOS. 11.

- a. Peparuman kengin kelanturang yening sampun kerawuhin antuk iwarga Krama lintangan ring atenga.
- b. Sapa sira ugi ikrama cedok ring sinalih tunggil peparuman 3 (tigang) soroh punika kadanda agung alit ipun manut pararem.

PAOS. 12.

Sang nyodokin peparuman, kengin luput ring danda yaning :

- a. Kapiambong Sakit.
- b. " Matepotin.
- c. " Kapadoman.
- d. " Karya Suka-duka.
- e. " Memakuh, ngerabin papayonan.

- f. Nandur pantun kengin luput ring danda rikala me-ajak2an.
- g. Kaluasa, nanging sesampune kawantenang pesadok ring pajuruan Banjar /Desa Adat.

PAOS. 13.

- a. Kaputusan paparuman kabawos sinanggeh pastika, yaning sampun kacum-
punin antuk sinareng sami sane rawuh majalaran pasungken pararem.
- b. Kaputusan2 pararem kabawos sinanggeh pastika tur manggeh dados Awig-
awig pasuara yaning sampun kacumponin lintangan ring atenga saking -
gebogan warga Desa/Banjar Adat.

P A L E T . D.

PENGAYAH KALIH PATURUNAN.

PAOS. 14.

- a. Sinalih tunggil ikrama Desa/Banjar Adat, sane ngemanggehang Agama-
Hindu, yaning sampun merabi 6 (enam) sasih suwenipun, patut tedun
ngayah ring Krama Desa/Banjar Adat, sane kewastanin pengayah.
- b. Ikrama Desa/Banjar Adat, sane sampun merabi, sekadi munggah ring
ajeng, yaning madruwe putra adiri tur sampun merabi, wiyadin putra
istri tur sampun kerajegang sentana kalih sampun merabi, patut -
iputra punika kemanggehang penyelodi tur ngayah (reramanipun luput).
- c. Iwarga Krama Desa Adat sane kantum merabi yaning madruwe putra lin-
tangan ring adiri tur sampun merabi, sejawaning adiri, patut tedun
ngayah.

PAOS. 15.

- a. Balu-balu remban, sane pianaknyane kantum alit-alit, patut keni -
ayahan, yaning balu luh keni ayahan luh, yaning balu muani ayahan -
muani.
- b. Balu remban keni ayahan :
 - 1. Balu muani, madruwe pianak muani kewanen keni ayahan balu
muani.
 - 2. Balu luh, madruwe pianak luh kawanten, keni ayahan balu luh.
 - 3. Balu remban, luh wiyadin muani, yaning madruwe pianak sampun
daha teruna keni ayahan sawungkul.

PAOS. 16.

- a. Pengayah punika kengin dados ngawakilang.
- b. Yaning sampun ngawakilang swadarma Negara, dados ngawakilang utawi
dados nggog/numbas ayahan.

PAOS. 17.

Pasu-pesuan miwah paturunan sekancan upakara perebaya wiyadin pelakaran
sane manggeh ring amongan Desa Adat, patut kamedalin antuk Ikrama warga
Desa Adat, kadi ring sor puniki :

- a. Pengayah keni sawungkul.
- b. Balu ngelintik keni atenga/sawungkul, nganutin kawentenan padruwan.
- c. Balu remban keni sawungkul.

P A L E T . E .

LELUPUTAN AYAHAN MIWAH LELUPUTAN.

PAOS. 18.

- a. Pajuruan Banjar/Desa Adat, Pemangku Tri kahyangan luput ayahan pingkalih pepeson.
- b. Jadma ubuh mame bapa, kantum alit-alit, jadma ruyud, jadma sakit ila, - buduh, buta, rampuh, miwah sekancan punika, luput ayahan miwah paturunan.

P A L E T . F .

WUSAN MEKRAMA DESA ADAT.

PAOS. 19.

Wusan mekrama mejajaran antuk :

- a. Seda/padem.
- b. Megingsir genah kesiosan Desa Adat.
- c. Tan kesarengan pararem.

PAOS. 20.

Iwarga Desa/Banjar Adat sane tan kesarengan utawi wusan mekrama Desa Adat punika, nenten polih bahagian paduwan Desa Adat.

Iwarga punika kengin malih mekrama Adat manut pararem.

P A L E T . G .

PASUKERTAN D E S A .

PAOS. 21.

- a. Sehanan karang paumahan patut :
 - 1. Pastika wenten bates ipun.
 - 2. Mepemedal karurung utawi kemargiane (tan wenten kebohong).
- b. Sehanan krama patut ngutsahang ngewatesin karangnyane sowang-sowang jantos sidha trepti nyatur desa.
- c. Wates krama sane majepitan, patut kategen antuk ikrama sane mabuluan kawates inucap manut purwa dresta.
- d. Tara miwah ulih2an sane urip ring watese kadi ring ajeng kadruwe olih sane negen.

PAOS. 22.

Sang sapa sira ugi mekarya ring pawatesan sane ngawinang rusak wiyadin - mocolang anak sios kesisipang manut tur kadanda manut pararez, tur sang - nekardi punika matutang malih wates punika sekadi jati mula, sejawaning

PAOS. 23.

- a. Tanem tuwuh tetangunan sakalwir miwah tata ngangge karang tan wenang nahunin miwah ngawenang pocol utawi ngeletohin karang-ponyandingnya.
- b. Prade wenten asapunika wenang kesepat wiyadin katiwakin dana sivos.
- c. Tanem tuwuh miwah tetangunan sane mebaya ring panyandingnya, - panyopat gantungan wenang saking wates.

PAOS. 24.

Saluwiring pamula-mulaan tan kengin ngungkulin wiyadin pokarangan pau abah siosan, tur ring ngawit mamula mangda mach adepa agung - saking wates.

PAOS. 25.

- a. Tanem tuwuh sane katimbang mayanin penyanding patut katotor - miwah kaebah antuk sang madruwe mawenang sajeroning awuku (7 rahina). Yaning jantos pewenangan taler durung kaebah sang madrebe patut keni danda manut pararem.
- b. Prade durung pawanongan tanem tuwuh punika punkat sang madrebe luput dedendan.
- c. Pamula-mulaan sane punkat punika dados kateban olih sang keni baya.

PAOS. 26.

- a. Yaning wenten pamula-mulaan empak wiyadin punkat kawontenane saking tan ganjih sang madrebe pamula-mulaan punika luput saking kahiangan. Pamula-mulaan punika sami kebuktinyang olih - sang sengkalan.
- b. Yan wenten pamula-mulaan bah wiyadin empak, tur meyanin wewangunan padrebean anak sios, sang madrebe pamula-mulaan punika patut negen prebean wewangunan sane rusak tur negen upakara - antuk merascita pakeraman, nanging yaning sang keni baya sadu rungne sampun ngewentenang pesadok ring ipajuruan Banjar/Desa Adat.

PAOS. 27.

Tan Kuasa :

- a. Ngungkulang raab pawangunan punapi luih ngalintang wates.
- b. Nganggen wates kakuasaan anak sios.
- c. Ngombahang toya saking badan wewangunan, WC/Kakus, Pasirasan, pawaregan miwah sane sios2an sane ngewetuang pakoweh, kopokarangan anak lian kalih kemargine, sojawaning toyan sabeh.
- d. Ngentungan lulu kpekaranan anak lian kalih kemargine.

Sapa sira ugi sane memurug/piwal ring paos ring ajong :

1. Sang piwal kedanda manut pararem.
2. Sang piwal ngentosin prabean karucakan sano kaestang olih ipajuruan Banjar/Desa Adat tur tan dados katungkasin.
3. Ngelumbar wewalungan luih ipun : Sampi, kebo, misa, kambing, bawi, kuda, ring pekarangan anak lian utawi kemargine.

P A L E T . II.

NGENTASANG S A W A .

PAOS. 28.

Ngentasang sawa kapatutang ring pekarangan kalih pamodalan wantah - mula dados pemargin sang madrebe sawa, yadiastun maduwe pameletasan sios.

PAOS. 29.

- a. Ngentasang sawa ring tegal wiyadin carik anak lian, patut bawosan ring pajuruan Desa/Banjar Adat/Pajuruan Subak.
- b. Tanah tegal wiyadin carik sane keni kemarginin, patut kaprayascita olih sang madrebe sawa. Tanah2 sane kaentas sane ukuran wantah keni oesirat tirta prayascita kewanten.
- c. Nanging yan ngentasang sawa ring tukad, pangkung wiyadin telabah sang madrebe sawa tan keni upakara pemerayascita.

PAOS. 30.

Soda padem ring genah anak lian mekadi tegal, umah, pekarangan, carik, genahe punika patut kaprayascita olih madrebe sawa.

PAOS. 31.

Yan wenten sawa ciwah barang siosan sane tan wenten kejantenang - anak sane ndruwenang patut kaupakaranin olih ikrana Banjar/Desa - Adat sasampune polih bebebaskan saking guru Wisosa (Pemerintah).

P A L E T . I.

W E W A L U N G A N

PAOS. 32.

- a. Sohanan warga desa sane miara wewalungan minakadi ipun suku epat, patut seyaga ninotin ngandagin, ngelegorin nogul semangden ubuh annya tan wenten ngerusak karang pabianan anak lian, semangden - tan ngawinang cemer Desa napimalih jantos ngeranjing ke Kahyangan.
- b. Prade wenten wewalungan jantos ngeleb tur ngerusak karang ngeranjing ke Kahyangan patut malungguhang ring sang ndruwehang wewalungane. Prade jantos ngerusak karang pabianan anak sios, patut kesadokang ring prajuru Banjar/Desa Adat mangde katiwakin - danda agung alit pamidandanya nganutin sudosane.
- c. Bilih-bilih ring acasih jantos ping tiga sampun polih pepalungguhan, wewalungan punika wenang ketaban, saha tur uninga ring prajuru Adat.

- d. Wewalungan tetabuhan inucap wonang katobus olih sang maduwe indik agung alit panebusane katiwakang olih prajuru Banjar Adat, kadulurin danda manut karusakane sane kawetuang.
- e. Bilih jantos ping tiga polih kataban, wewalungan wonang koambil tan tobasan Pemargin neban Bajalaran Klian Banjar.

INDIK WEWALUNGAN NGELEB PALUNGGUHAN :
PAOS. 33.

1. Prade wenten wewalungan sane ngeleb tur ngeranjing ke Kahyangan, sang madrebe wewalungan punika kasisipang antuk danda prabaya - ning upakara pamarisuda sapatute, Agung alit upakara manut pe - mastikan smrti Agama Hindu, saha kapikukuhin antuk pararem.
2. Yan wenten wewalungan sane keni palungguhan, bilih jantos kataban nanging tan wenten sane ngangkenin masuwe tigang rahina, patut wewalungan punika knaturang ring prajuru Banjar.
3. Yaning wewalungan punika padem tan sangkaning kakardinin sejro - ning kanton mataban, sang naban wenang ngarsayang prabayan mi - ara ring sapa sira ugi. Taler sang madruwe wewalungan punika tan wenang ngarsayang pengentos pengangan wewalungan sane padem punika ring sapa sira ugi.
4. Tata cara malungguhang/baban miwah nebas wewalungan mangda saja laran sauning miwah sapituduh prajuru Banjare.

P A L E T. Y.
K U L K U L :
PAOS. 34.

KULKUL :

1. Kulkul Banjare manggeh sarana piranti, tonggerannya kabwatang anggen wangsit ring wawidangan Banjar Adat Suralaga.
2. Kulkul Banjare tan wenang katepak yan tan manut kadi daging awig-awig puniki-
3. Tabuh tapekan kulkul Banjare mesewes-sowosan manut tatujuannya lwire :
 - a. Tangerang upacara yadnya Banjar.
 - b. Tangerang ngawit ngelaksanayang pakaryan, kadi sampun kaorah ang utawi kasiarang.
 - c. Wenten sinalih tunggil warga Banjare sano ceda/padem.
 - d. Wenten sinalih tunggil warga Banjare lanang/istri sane ma - wiwaha.
 - e. Tangerang wenten wong kapalagandang.
 - f. Tangerang wenten sinalih tunggil wong Banjare komalingan.
 - g. Tangerang wenten wong Banjare ngamuk/kaamuk, bogal/beak,

- h. Tengeran ngurusang nglaksanayang pakaryan Banjare.
4. Kulkul Banjare tan wonang katopak, sojawaning mula wantah togeran patut katiwakang ring wong Banjare sami, utawi yadnya Banjare, Paruman/pakaryan wong Banjar sogahan, kagani baya - pati kadi inucap ring ajong.
 5. Kulkul Banjar tan wonang katopak yan tan wenton sangkaning - kabebasan utawi pituduh kolihan Banjar manut dudonan, sojawaning rikala pacang ngawentenang tengeran ngoninin kadi manggah ring bajeng.
 6. Sang pacang nepak kulkul tan sangkaning, patut digolis atur upekse ring I Klian, saba buatan panepak kadi ring bajeng.
 7. Sahanan kulkul Banjare ring duralaga patut nyarongin katopak, prade wenton sinalih tunggil kulkul nyihnayang wenton anak/kabaya-baya pati.
 8. Swaran kulkul tengeran pekaryan, patut katedunin antuk ayahan manut ring daging dedawuhan utawi sasiar.
 9. Swaran kulkul tengeran baya, patut katedunin antuk ayahan lanang, rawuhin truna wayahan saba gagawan panitlung manut - rupa bayane.
 10. Swaran kulkul coka-seka saka lwire ring Banjar tan wonang nyawarin swaran kulkul Banjar.

P A L E T. K.

DUSTA MIWAH DAYA.

PAOS. 35.

INDIK DUSTA :

1. Laksana sane sinanggoh dusta, bacakan ipun lwire :
 - a. Jiwa baya.
 - b. Artha baya.
 - c. Geni baya.
 - d. Pelogandangan.
 - e. Mastika utawi dura cara ring Agama.
2. Sahanan warga Banjar, prade uning ring wenton jadaa molak-sana dusta ring sajroning Banjar pakraman patut digolis atur uning ring prajuru.
3. Bilihmabwat kawentenan ipun, sang uning inucap diglis nepak kulkul Banjare manut ring rupan panglaksanaan dustane.

PAOS. 36.

INDIK BAYA :

1. Sane sinanggoh baya utawi panekan baya upaman ipun :

Umah puwun, kablabaran toya agung lan sekancannyane.
2. Sahanan warga Banjar prade uning ring kawentenan baya utawi panekan bayane patut pramankin atur uning ring prajuru.

1. Warga Banjar sane kaicalan/kemalingan, prade pacang masoserep patut nunas bebacan ring prajuru Banjar selanture nunas panuntun.
2. Prade gonahe masoserep ngelangkung ke Banjar cewosan patut bebacan utawi uwak-uwakan saking Kelihan Banjare, irika.
3. Kelihan Banjare inucap, ngiconin panuntun mangda tata carane masoserep manut ring drosta.
4. Sahanan warga Banjar, polih barang nuduk sakalwiro patut turuninge ring kelihan Banjar.
5. Kelihan Banjar nyiarang barang dudukan punika, mangda sang madruwe sawantun mulihang barangnyane sang mariangken patut nyihayang/ninayang sungwing barang punika mula wantah padruwenyane.
6. Prade jantos tigang sasih tan wenten jadma ngelingin/mariangken wewang kadruwe antuk sang nuduk.

P A L E T . L .

W E W A N G U N A N .

PACS. 38.

INDIK KARANG PAUMAHAN :

1. Sahanan karang paumahan patut :
 - a. Pastika wenten wates ipun.
 - b. Mapamedal karurung.
2. Kelihan Banjar patut ngutsahayang, mangda sami pokarangan warga Banjare kadi inucap ring hajeng.
3. Sahanan krama patut ngwatesin karangnyane swang-swang jantos oida trepti nyatur dana.
4. Watos karang sane majepitan, patut kategen olih krama sane mahuluan kawatos inucap manut drosta.
5. Delajakan karang swang-swang patut kapiara antuk krama sane druwenang karang inucap.
6. Margi-margi ring karepan karang krama swang-swang, patut kapiara antuk krama Banjar, saba kesarengin antuk krama swang-swang sane nelajakin karangnyane.
7. Laru miwah ilih-ilihan (wuh-wuhan) sane mahurip ring watos kadi ring hajeng kadruwe olih krama sane nenden inucap.

TATA NYULURANG KARANG

PAGS. 39.

1. Tanom tuwuh sakalwire, miwah tata nganggo karang tan wenang - ngungkulin utawi nacin, miwah ngawinang pocol karang penyan - dinge.
2. Prade wenton kadi inucap (1) wenang katopas gantungan saha ka telasin olih krama penyanding, saha cara :
 - a. Krama penyanding ~~atur~~ upaksa ring prajuru, mangda kesaksi - nin rikala telasin (notor), ngebah lan sekancannya.
 - b. Krama sano madruwe tanom tuwuh mayanin punika wenang nunas tempo ring prajuru, indik pacang mekarya nelasin.
 - c. Sadurung lintang tempo, prade tanom tuwuh totangunan sane mayan punika rubuh (tan pajamuga antuk linuh, angin, sabeh, lan sekancannya), sang adruwe luput saking kaiwangan.
 - d. Tanom tuwuh/totangunan sane rubuh punika, wenang katawan - antuk sang keni baya.
3. Salwiring tanom tuwuh miwah totangunan ngungkulin utawi me - yanin penyandingnya, panyapat gantung wenang maren (ngefro - ang) adepe agung saking wates.
4. Taler tan wenang mekarya lolcan toya pangutangan kokarang pe - nyanding.
5. Salwiring tanom tuwuh miwah totangunan krama ring pekarangan - nya rubuh, tur mayanin totangunan krama lian yadyan ring sa - jroning pekarangnya miwah totangunan penyandingnya, patut kra - ma inucap (sane mayanin) negen prabayan wowangunan sane keba - yanin tur negen prabayan penyangaskarannya, yan sang keni baya sampun atur upaksa ring prajuru. Sapunika tanom tuwuh utawi to - tangunan sane mayanin punika, kabukti antuk sang keni baya.

INDIK NGELETEHIN KARANG.

PAGS. 40.

1. Tan wenang negen utawi nunjel sawa miwah awak-awakan sawa ring karang paumahan.
2. Tan wenang makta (ngenebang) barang sakalwire sano ngeletehin ring karang paumahan, bilih-bilih yan keletehinnya ngelantur sinanggoh ngalimbak ngeletehin karang anak sowos miwah Dasa - pekarangan manut Agama Hindu.

SARGA. III.

G E N A H S U C I.

PALET. A.

PAGS. 1.

SAKRA. III.

GENAH SUCI.

PALEST. A.

PAOS. 1.

KAHYANGAN :

1. Kahyangan-kahyangan Banjar Adat Suralaga luwire :
 - a. Pura Puseh.
 - b. Pura Desa / Bale Agung.
 - c. Pura Dalem.
 - d. Pura Natar Jemeng (Dang Kahyangan).
2. Prajuru Banjar Adat Suralaga kayogya nuntun saha ngentorang krama Banjare ngamanggehang kasucian Kahyangan panyiwianya.
3. Bacakan cundala miwah letuh sane tan dados ngranjing ring Kahyangan lwire :
 - a. Jadma luh sebel kandel, ngranjaswala, wawu madruwe oka du - rung tutug asasih pitung rahina, karuren, lan sang lanang - ipun sadurung tutug roras rahina.
 - b. Jadma cundaka saking pepademan, sadurung tutug peklonigian-manut pararem.
 - c. Sahanan jadma patita (pianak astra, wong bobot kecongaman tan sinangaskara, wong mamitra, wong daa), miwah cundalane sewosan sadurung kalukat kaprayascita manut Agama Hindu.
 - d. Jadma sano kapaatikayang panten antuk prajuru.
 - e. Sato ageng ngawit saking cawi lantur ring setane ageng - (suku pat) sajawaning kabwatan yadnya.
 - f. Sahanan barang punapi lwire sane sinanggeh letuh manut Agama Hindu (Tulang, getih, bok sakalwire wiwitan watang, la lusan pitra yadnya lan sekancannya).
 - g. Miwah sahanan cundalane sewosan.
4. Ring Kahyangan tan kalugra ngalaksanayang sahanan laksana ngo letuhin upami :
 - a. Mamisuh kalih wak purunya sewosan.
 - b. Majaljal, bilih-bilih jantos kanin (matu rah).
 - c. Mebacin, minyak, mananggana, miwah prawertna sewos.
 - d. Jadma luh rambut megambahan (sajawaning parasutri). (Kalaning Kalinggihang Bhatara).
 - e. Mungga taler kapalinggih, yan tan kaparistidna antuk prajuru.

5. Prabeyan ngaci manggeh kabwatan Banjar Adat Suralaga kamedalin antuk Krama Banjar.
6. Panunayan widhi widana Banjar Adat Suralaga kasulurang.
7. Krama sane manggih utawi mungging wenten jadma ngoletuhin kahyangan kadi mungguh ring ajeng, patut piuning ring prajuru.
8. Prade wenten tan nyadokang, punika sinanggeh saruron ring corah.
9. Prade tan wenten katinutin, utawi manurug larang-larangan inucap ring ajeng, wenang kasisipang pamidanda manut pararon.
10. Prajuru patut mastikayang, indik sane wenang nyanggra tapakan utawi kasucian.
11. Prajuru patut mastikayang indik pemangku-pemangku sane yogya mungguh tedun ring palinggih kahyangan panyiwian Banjar Adat Suralaga miwah ngiasin pralinggannya.
12. Prajurune tan maren nureksanin, nitenin mangda pemangku panyade, serati, lan sururirajog nganutin sesananya ring kahyangan, kandugi tegteg kabaningannya, saha kapastikayang olih-olihannya.
13. Prajuru patut mastikayang indik piodalan miwah aci-aci ring kahyangan panyiwian Banjar Adat Suralaga, agung kalawan alit miwah tata panglaksanannya.
14. Prajuruan patut mastikayang indik kahyangan panyiwian pemaksan pakulawargaan upami sanggah-sanggah (pamrajan) sajobag pawidangan Banjar Adat Suralaga sajroning tata cara ngastitiyang kasuciannya patut sewosan ring panyiwian Banjar sajroning karihinan, wantah madruwe dresta sewosan.
15. Yan tan manut kadi mungguh ring hajeng, pralingga kahyangan inucap tan dados kasarengan rikala samuha/nyeja ring Bale Agung rikalan pangesangan pangusaban miwah upacara-upacarane sewosan.
16. Tanah pelaba saha upon-upon, punia kalih sahapan druwo Banjar Adat Suralaga sami kapastikayang, katur miwah katitenin antuk prajuru, anggen kabwatan Banjar Adat Suralaga.

PEMANGKU, SERATI, SUTRI.

PALET. B.

PAOS. 1.

PEMANGKU :

1. Ring Banjar Adat Surala kawentenang Pemangku, Serati, Sutri.
2. Pemangku, serati lan sutri inucap kandegang melarapan antuk :
 - a. Ngelingin saking katurangan.
 - b. Kapilih olih I Krama Banjar.
 - c. Saking nyanjan.
3. Sajroning nglaksanayang swadharma, pemangku kengin kocanggra olih panyade (wakil) mangku, manut kabwatan Banjar Adat.

5. Prabeyan upakara pitra yadnya marep ring pemangku, panyeda-pe - nyeda serati, lan sutri inucap ring Majeng ring sodana kapungkur, sajawaning kamedalin antuk kaluargannya taler wenten dharma sodana Banjar manut pararem.

SWADHARMA-SWADHARMA.

PAOS. 2.

1. Swadharma pemangku/panyeda ring Banjar Adat Suralaga lwire :
 - a. Nuntun ngenterang krama Banjare ngemanggehang kasucian kahyangan.
 - b. Munggah tedun ring palinggih kahyangan penyiwaan Banjar miwah ngiasin pralingga-pralingga, manut pamastikan prajuru.
 - c. Nuntun saha nabdabang ngilenang yadnya krama Banjar ring kahyangan panyiwian Banjar.
 - d. Rajeg nganutin sosana pemangku.
2. Swadharman serati banten ring Banjar Adat lwire :
 - a. Ngenterang Krama Banjar sajroning midabdabin upakara manut pamastikan prajuru.
 - b. Nyangga pemangku-pemangku sajroning ngilenang upakara yadnya Banjar.
 - c. Miwah sane sewosan sane ngrangkul upakara yadnya Banjar.
3. Swadharman sutri tan mari ngemanggehang kasucian.
4. Olih-olihan pemangku, panyeda, serati lan sutri kasulurang manut pararem Banjar Adat.
5. Sane tan kengin keadegang pemangku, panyeda, serati lan sutri lwire :
 - a. Sang cadangga.
 - b. Gering Ila.
 - c. Masyika (tan ngugonin sanghyang Agama).
6. Nguwusang pemangku, panyeda, serati lan sutri kasulurang manut pararem Banjar Adat.

DRUWE / PELABA.

PALET.C.

PAOS.1.

DRUWE / PELABA BANJAR :

1. Tanah tegal, carik padruwon Pura amongan Banjar Adat kawastanin pelaba Pura.
2. Pelaba inucap patut keanterang antuk kolihan Banjar Adat manut dudonan.
3. Pikolih utawi upon-upon pelaba pura inucap mangda kawadyang - tur pastika kabwatane, anggen prabeyan kasukertan Banjare sokala niskala.
4. Pelaba Pura inucap patut wenten ilikitan anu

INDIK TUNON/ SETRA MIWAH ATIWA-TIWA.

PAOS.1.

raju-

INDIK MENDOM/NGESENG SAWA :

1. Genah mendem/ngeseng sawa pawongan sang na Agama Hindu ring Banjar Suralaga kawastanin Setra/Tunon.
2. Sang pacang ngangge setra/tunon, patut nunasang bobebacan ring-Kolihan Banjar saha tatane ngangge manut dresta miwah pituduh - prajuru inucap.
3. Wong Banjar patut ninutin, mangda sahananing letuh setrane tan-wenten ngalalah/kabakta kedesa pekarangan, bilih-bilih ka Kahya ngan.

PAOS.2.

INDIK IYULURANG MENDOM/NGESENG SAWA :

1. Pidabdab ngeseng/mendem sawa, kasulurang kadi ring sor :
 - a. Kapastika tan dados ngonepang bangbang genah pacang mendem sawa.
 - b. Sawa wong rare durung mayusa tigang sasih (105 rahina),patut-kapendem premangkin, tan ngetang larangan dowasa, ring setran rare (soma bajangan).
 - c. Sajroning Banjaran yan pacang mendom/ngeseng sawa lintangan - ring adiri arahina ring setrane tunggal, patut cane pinih - nampelan ring genah setra punika rihinan komargiang.
 - d. Sajroning arahina ring pebanjaran prade wenton sawa ngaben, patut ilen mendem sawane kamargiang rihinan, solantur ipun - wawu raris ngilenang pamondoman/pangabonan.
 - e. Jadma padem nandang sakit ila, sawannyane patut kapendem ring setra.
 - f. Jadma padem salah pati, ngulah pati, sawannya sadurung kapendem dados ngranjing kapakubonnannya.
2. Salwire gagumuk ring setrane kasinanggeh alikadin, patut kagubar olih kaliarga adruwe sawa.
3. Prade kalugra inucap pival kadi cane munggah ring hajong gagumuk punika kagubar olih i Krama Banjar saha kaonterang olih prajuru, tan kawicaranan.

INDIK PENANJUNG BATU.

PAOS. 3.

1. Prade wenton sawane pacang kapehdom/kageseng ring tunon/setra - boya wantah warga Banjar, patut nawur penanjung batu, agung a - lit manut pararem, tur ngawentenang pangupakaran manut Agama - Agama.
2. Sapa sira ugi mendom/ngeseng sawa, patut ring setra/tunon dados

Handwritten note:
Kasur
Bekas
t. 1000 1000

DEWASA ATIWA-TIWA.

PAOS. 4.

1. Krama sane pacang atiwa-tiwa, patut nunas bebebaskan ring prajuru Banjar.
2. Prajuru inucap nitenin tur nuntun mangda jadma punika tinas tan nyantulin kasukertan Banjar, pamakas tan wonten nyopugin kasuci an Banjar utawi Kahyangan.
3. Pidabdab nitenin tur nuntun kadi inucap kaenterang :
 - a. Prade wenten jadma padem, sajroning masengkor 7 (pitung) rah ina dados kaaben katiwa-tiwa. Dina larangan manut Agama tan kengin ngomargiang atiwa-tiwa.
 - b. Purnama/tilon, piodalan ring Pura Banjar sakalwir, atiwa-tiwa tan kengin komargiang.

INDIK UPAKARA LAN NYANGGRA ATIWA-TIWA.

PAOS. 5.

1. Bacakan yusan jadma sane kengin lawan tan kengin tiwakin upakara ngaben lwiro :
 - a. Sema wong rare durung mayusa 3 (tigang) sasih, tan kengin - kaaben, patut digelis kapendem ring setra pobajangan.
 - b. Sawa wong rare sane mayusa langkung ring 3 (tigang) sasih durung makupak dados ngalungahh.
2. Pokaryan atiwa-tiwa utawi upakara sawa, patut kapacrah ke Banjar.
3. Banjare sumakuta nyanggra utawi ngewehin kabebacan, manut awig Banjare.

SARGA. IV.

INDIK PAWIWAHAN.

PALET. A.

PAOS.1.

SAH ALAKIRABI :

1. Indik pawiwahan/alakirabi, Banjar Adat Suralaga Puniki ngengge bang daging "Undang-undang Perkawinan R.I. No.1 Tahun 1974", - miwah peraturan Pelaksanaan No.9 Tahun 1975.
2. Sinalih tunggil kramane kapastika ayah maperabian, yan sampun saha widhi widana manut Agama Hindu (Mesakapan).

NGROROD/NGRANGKAT.

PAOS.2.

1. Krama sane nampi wong ngrorod, patut pramangkin nasadok ring kolihan Banjar.
2. Kolihan Banjare patut digelis ne es sang ngrorod, maka bwatang marityaksayang pamargine, manut utawi tan manut ring dresta.

3. Bilih sampun pomargine nepak ring dresta, sang ngrorod miwah sane nampi polih pamikukuh podayuban Banjar, mekadi kolihan/prajurune.
4. Prado pomargine tan manut ring dresta, kolihan Banjare digelis - molasang sang kinira katotohan, kawehin podayuban ring jron keli ane.
5. Kolihan Banjare patut digelis ngutsahayang manut wirang sang katotohan punika, prado doh ganah linggihnyane ring dure Banjar/ - Dosa utsahane katur ring sang rumawos (Pemerintah).
6. Sang mamisoka sosampuno kaparitotes, yaning ipun warga Banjar - patut kadanda manut pararem, nanging yan ipun wong dure Banjar - patut katundung saking wawidangan Banjar.
7. Krama sane patut katetso saha katureksa manut ring prakertinnya ne, yan saruron ring corah/nyarengin misekayang wong- kadanda- agung alit manut pamutus kolihan Banjare saha katopakang ring - pararem.

N E T E S .

PAOS.3.

1. Sang meseserep pacang notes pengrorodan patut macadok tur nunas pamuntun ring kolihan Banjar. Kolihan Banjare patut nureksa netes ang seserep punika, jati tan jatine patut pernah wirang ring sang ngrorod.
2. Yan linggihnyane jati-jati pernah wirang, kolihan Banjare patut digelis ngater pasikarop punika kaumah genah sang ngrorod.
3. Sang maseserep patut tinut ring sapituduh kolihan, ngenenin tetos an pengrorodan lwire :
 - a. Ngranjing kaumah inucap, tan langkungan ring 2 (duang diri).
 - b. Tan kengin makta senjata/gagawan sakalwire.
 - c. Tan kengin mabawos kalih matingkah purusa (nungkang).
4. Sane teka I Kelihan, patut midabdabin mangda tata carapanetesane tropti, maka bwatane mangda anake istri sane ngrangkat jati-jati polih nerangang idepnyane saking bebas pisan lwir pidabdabe :
 - a. Anake istri genahang ngeraga, tan dados anak sowosan nampokin tur tinas ring inange.
 - b. I Kelihan nuntun nyulurang, mangda sang maseserep polih matakon ring sang istri punika.
 - c. I Kelihan nyumakutayang, pamokas ring anake istri, yan pada area pengrorodane sang maseserep pacang katulak, yan saking pemaksa saganlanang pacang katiwakin pandidanda.
5. Pamutus i kolihan dumugi melaksana manut ring pamutus idep anak e istri inucap.

Yan tan atur upaksa ring kolihan, kandugi :

 - a. Marep ring sang nampi.
 - b. Marep ring sang ngrorodang.

6. Yaning piwal utawi tan nitunin pidabdab alakirabi kadi inucap ring hajeng, patut kadenda agung alit manut pararem.

S E N T A N A

PALET.B.

PAOS.1.

PAMRASAN SENTANA :

1. Sinalih tunggil krama yan pacang ngidih sentana, patut masadok ring kelihan Banjar, manistane asasih sebanen dowasa pamrasan.
2. Kelihan inucap patut nyarang ring Banjare.
3. Sang rumasa kabwatan ring pamrasan punika, sanistane masengker awuku (pitung rahina) sebanen dowasa pamrasan patut nunas ba - wos ring kelihan Adat/Bendesa.
4. Kelihan Adat/Bendesa digelis mawosin saha ngicenin pamutus ba - wos, manut bacakan sastra/Undang-undang miwah dresta sewocan.
5. Prade sulur pamrasan tan manut sastra miwah dresta, kelihan - Adat Bendesa patut ngadeg sang pacang mekarya, saha ngicenin - panuntun mangda kapuputang riyin bebawos sulur utawi wicaran - nya.
6. Panglaksanaan kapungkur, anut ring pamutus inucap.
7. Yan sulur tata pamrasan sampun manut, kelihan Banjar ngicenin pasayuban, malarapan upacara widhi widana sidha kelaksanayang.
8. Ring panuanya upacara kamargiang, kelihan Banjar patut nodia pinaka saksi.
9. Selanturnya sewusan ngupakaranin, kelihan Banjare digelis nyu - ratang pamrasan inucap ring ilikitannya, miwah nyiarang ring - paruman Banjare kapungkur.
10. Kelihan nyaksi upacaranya, pamakas rikala ngungguhang ring ca - ne patut pastikayang, wenten utawi tan wenten brana sakalwire sinanggeh runtunan pamrasan.
11. Prade wenten sane keberatan tan cumpu ring pamutus bawos Ke - lihan Adat indike katur ring guru wisesa (Pengadilan Negeri).

N G R O B A N G :

PAOS. 2.

1. Sahanan krama sane ngrobang utawi ngajak anak sewos impas - ring drestaning pakulawargane upami :

- a. Ngajak wong duduk-dudukan.
- b. Ngajak nyane mulih saking pikurenan.
- c. Jadma masundelang dewek. .
- d. Ngajak nyama mulih saking rajeg sentana.
- e. Rueng pastika jenek.

Krama sane ngrobang utawi ngajak anak sewos kadi ring hajeng miwah sewocan sokancan punika, patut atur uninga ring prajuru Banjar.

2. Pasadok ring hajeng patut kadulurin antuk katerangan pastika nge-
nenin linggih, arta borana, tetegenan kramane kalih sang ngajak/
ajak inucap.
3. Krama sane ngrobang/kajak patut negen sumakuta (negen tanggung-
jawab), negenang lampah sang kajak arepe ring kasukertan.
4. Kolihan Banjar ngunggahang pasadok punika ring ilikittannya, uta-
wi nyiarang ring paruman Banjar.

P A L E T . C .

B E B A L U A N .

PAOS. 1.

AYAHAN BALU :

1. Ayahan Balu lwire :

- a. Balu remban, sane pianaknyane kantun alit-alit keni ayah-ayah
balu.
- b. 1. Yan luh sane balu, keni ayah-ayah balu luh.
2. Yan lanang sane balu, keni ayah balu lanang.
- c. Balu nglentik, keni ayah-ayah balu manut balunnya (yan la-
nang ayah lanang, luh ayah luh).
- d. Balu remban, luh wiadin lanang, yan madrewo pianak truna /
daa, keni ayah-ayah sewungkul.

PAOS. 2.

SULUR AYAH - AYAH :

1. Sajroning ayah-ayah krama kasulurang :

- a. Dados ngewakilang ring anak sewonan, sane campun menek
truna/daa.
- b. Dados mapuankid, prade wenten kabuatan-kabuntan lwire :
 1. Keni Medahuan saking Guru Wicaca.
 2. Kaluwasan, nguangun umah sakalwire, mayadnya.
 3. Kapiambeng (sungkan, matepetin, kapadoman lan sokancannya).
- c. Dados mogpog (numbas), prade :
 1. Dados Pegawai.
 2. Magingsir genah jenek ngrereh pangupa jiwa ring dure
Banjar.

Panuntun tata cara ring hajeng manut pararon.

PAOS. 3.

TEDUN / WUCAN MEKRAMA :

1. Nyulurang todun mekrama kalih ngetang rerobahan :

1. Marep ring ayahan ngarep, ayahan balu miwah ayah wucan
mekrama, kaetang pramangkin.
2. Nyulurang pakraman kalih rerobahan kemargiang nangkep
" Tumpek Uye " (Kalaning pararon Dosa).

3. Mangken bayatan panunayan inucap (Tumpek Uye), patut i krama Banjar ngawatanin nyahcah jiwa, ngetangung kalih mastikayang pakraman kalih ayaha-ayahan kadi ring hajeng ring pawidangan Banjaro.
4. Kapastian cahcah jiwa pamekas indik pakraman miwah ayahan, kapikukuhin antuk pamutus paruman Banjaro dumugi kengin lakcana yang.
5. Kapastian inucap digelis kesosolan ring ilikitan (buku daftar krama).

P A L E T. D.

I N D I K W I C A R A . -

PAOS. 1.

SULUN WICARA :

1. Sane wenang mawosin minakadi mutusang wicara ring Banjar Adat inggih unika Kelihan Adat, prado sang mewicara tunggilan Banjar.
2. Pamutus Kelihan Banjar marep ring wicara inucap ring hajeng - sinanggra wacasaning mabawos ring Banjar.

PAOS. 2.

I N D I K B A N G S I W I C A R A :

1. Sahanan wicara sane mawiwit pecorahan sakalwiro, miwah sinanggeh nungkasin daging awig-awig, pasuara-pasuara miwah pararem Banjar patut raris kabawosin, tan ngantosin pasadok.
2. Sajaba wicara kadi ring hajeng, patut ngentosin pasadok sang nunas bawos.

PAOS. 3.

I N D I K P A M U T U S W I C A R A :

1. Sahanan wicara patut katoposin jantos pastika janten iwang patutnya, malarapan antuk Tri Pramana (bukti, saksi, ilikita).
2. Pamutus patut tan maren nepak ring catur dresta (sastra, purwa, loka miwah dеса dresta), saha medasar antuk dharna otula, nyudiang lokika sanggraha.
3. Sahanan pamutus patut tan maren ngupadi. :
 - a. Mangda warga Banjar sayan pastika uning ring wewatesan - iwang patute.
 - b. Mangda ~~warga~~ kawon totes uning ring kaiwangan deweknyane.
 - c. Sang molih tan maren katuntun, mangda sampunang bas ngi - nggilang kapatutannya, lila lagawa nyampurna sang sisip.
 - d. Nyapeap bibit-bibit papinohe mameceh-mecahan.
4. Prado wenten wong Banjar mendal ring pamutus Kelihan Banjar, bilih-bilih yan punika sinanggeh ngawinang duskertan Banjar, patut ikelihan Banjar nunasang pamutus ring sang runawos.
5. Wong Banjar sane kabwatan ring pamutus kelihan Banjar, we -

S A R F G A.V.

P A M I D A N D A .

PALET. A.

PAOS.1.

INDIK NIWAKANG PAMIDANDA :

1. Banjar wenang niwakang pamidanda ring wong Banjare sane sisip.
2. Paniwak inucap kalaksanayang olih Kelihan Banjar, nunggal-nunggal manut dudonan.
3. Pacakan Pamidandan lwire :
 - a. Ayahan panuhun kasisipan.
 - b. Danda Artha.
 - c. Panikel urunan utawi panikel dadendan.
 - d. Upakara penyangaskaran.
 - e. Kanerayang/kawusang makrama.
4. Pamidanda sane katiwakang, patut manut ring awig-awig pararem, paswara utawi dresta miwah agama, tur adung ring kasisipan.
5. Agung alit pamidanda sane katiwakang, patut masor singgih manut ring - kasisipan.
6. Jinah utawi raja berana pamidanda, ngranjing dados druwen Banjar.

P A L E T .B.

T A T E R A G A N

PAOS. 1.

INDIK TETERAGAN :

1. Krama sane langkung ring panusaya, taler kantun amandel urunan/daden - dan, wenang katerag.
2. Tata cara nerag ngelaksanayang kadi ring sor :
 - a. Kalaksanayang olih kelihan Banjar, kasarengin olih Krama pinaka saksi, saakebe tigang diri,
 - b. Sang katerag tan dados ngalangin sang nerag saha tan maren sarang nyaksinin tateragane.
 - c. Sang nerag sangkening darsana ngambil barang-barang teteragan, akehnyane manut ring agung alit utangya ring i krama, utawi nyawanin tanem tunuh (tatangunan) sang ngrampag.
 - d. Kelihan Banjare mateketang mangda barang teteragan digelis katebas masenger tigangbrahina,
Ring sampun jantos petang rahina teteragan punika pacang kalelang.
 - e. Prade jinah pamelih teteragan sane kalelang langkungan ring jobogan utang sang katerag, patut pisan jinah punika kaserahang ring sang madruwe barang.

NYULURANG INDIK NERAG.-

PAOS. 2.

1. Tateragane kasengkerin mangda sampun jantos :
 - a. Nerag salwir barang-barang sane patut inggilang manut agama, miwah dresta.
 - b. Ngicalang cihnan kamanusan sang katerag.
 - c. Nucalang usaha pangupejiwa sang katerag.

PAOS. 3.

INDIK WENANG LAN TAN WENANG KATERAG :

1. Sane kengin katerag lwiro :
 - a. Ingon-ingon suku kalih.
 - b. Ingon-ingon suku pat, sajawaning banteng, kebo/mise miwah kuda.
 - c. Prabot-prabot sajawaning prabot pawon, prabot kecarik/tegal, miwah prabot maka huatang usaha pangupa jiwa.
 - d. Tanem turuh.
2. Prade sang katerag rumasa kababatan nyerahang padruwenyane katerag, kengin nunas pamatut ring sang rumawos, masengker tigang rahina saking ngawit katerag.

S A R G A . VI.

INDIK SULUR TREPTING PAWONGAN :

P A L E T . A.

PAOS. 1.

NGEMBASANG PARE :

1. Yan wenten krama madruwe putra, masengker tigang rahina saking embasannyane patut masadok ring kelihan Banjar.
2. Kelihan Banjare ngunggahang sang embas punika ring ilikita Banjar.
3. Yan wenten krama ngembasang putra buncing (sane lanang riyinan, tur sane istri ungkuran), indike punika tan wenten patut, kabawos "Manak salah".
4. Sang kawentenan kadi inucap ring hajeng, patut Banjare aran parasa tulung, prade Banjare Rumasa kalatehin antuk kewentenangne, patut Banjare ngawentenang upacara pamarisudha Banjar manut Agama.

PAOS. 2.

KALABUBANGAN :

1. Yan wenten krama kalabubangan (seda) patut masadok ring kelihan Banjar.
2. Kelihan Banjare ngunggahang sang seda inucap ring ilikitan Banjar, saha nyuarayang kulkul 3 (tigang) kalantungan.

1. Krama sane nampi tamyu jantos makolom, patut macadok ring Kelihan Banjar.
2. Prade tamyu pacang madunungan jantos langkungan ring sawuku, - kolihan Banjare patut nureksanin pisan, nungging maka bwatang-nya saha surat-surat katerangannya.
3. Bilih yan madunungan jantos abasih utawi tahunan suennyane, patut kaungahang ring ilikitan Banjar tur sang madunungan inucap patut nodunin masuka duka manut palinggihnyane.
4. Yan tan manut kadi inucap ring hajeng, patut kadenda utawi tan polih pesayuban Banjar manut pararem.

P A L E T . B.

TATA SUKERTAN AWIG -AWIG :

PAGS. 1.

PARARAN NIWAH PASWARA :

1. Pararem Banjar patut ngemedalang pararem-pararem, anggen nyangkepin awig-awig, nunggal-nunggal manut dudonan.
2. Daging sahanan pararem patut sahalon ring awig-awig.
3. sane patut kaangchang ring pararem :
 - a. Dewasa ngawitin pamargin unteng-unteng daging awig-awig sane mabuat.
 - b. Perincian penyalah daging awig-awig sane mabuat.
 - c. Agung alit danda-danda, panikel-panikel lan selanturnya.
 - d. Tata sulur ngemargiang daging awig-awig.
 - e. sahanan indik seowsan, anggen nyangkopin daging awig-awig.
4. Paruman prajurung wenang ngemedalan paswara-paswara, nyangkopin daging awig-awig Banjar.
5. Daging paswara-paswara tan maren patut :
 - a. sahalon ring daging awig-awig.
 - b. Manut ring catur drocta (Purwa, loka, dewa, mastra).
 - c. Pastika ngantenang dewasa ngawit pemarginnya.
 - d. Nyantenang agung alit dadendannya, prade kapurug.

A R D A . VI.

I N D I K P A M U P U T :

PALET. A.

PAOS. 1.

MUPUTANG AWIG - AWIG :

1. Banjar Adat rikala ngamargiang sadaging awig-awig, miwah usaha Banjar patut tan maren :
 - a. Saalon utawi ngambaran sahanan prayogya dane taler ngawiwe - nang wong Banjar inucap.
 - b. Ngawentenang galah panggala Banjar, mangda wong Banjare polih ngupadi pangupa jiwa, nincapang pawruh miwah usaha neri-neri sowosan.
2. Awig-awig puniki kalingga tanganin antuk kolihan Banjar Adat Suralaga maka cihna pamutusanya.
3. Sajaba lingga tangan kadi inucap ring hajong (2), maka saksi ta-ler katur ring :
 - a. Lurah Abiantuwung.
 - b. Paricada Hindu Dharma Kecamatan Kediri.
 - c. Camat Kediri.
4. Katur ring guru wisosa, makadi antuk Lembaga Pembina Adat Kabupaten Daerah Tingkat II Tabanan, Paricada Hindu Dharma Kabupaten Daerah Tk. II Tabanan Kepala Kantor Dep. Agama Kab. Daerah Tingkat II Tabanan mangda kawikanin tur kalingga - tanganin.
5. Katur ring Guru Wisosa. waluyane Bupati Kepala Daerah Tingkat II Tabanan, mangda katureksa tur kalingga tanganin maka mur - dhaning pamikukuh.-

Lwir Sang Ngalingga Tanganin.

Bendesa Adat Suralaga,


(I WAYAN REPIG).-

